

Grad Novi Pazar
Skupština grada
Odbornici SDA Sandžaka
Novi Pazar
17. mart 2024. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 109. stav 2. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo prijedlog **da se iz predloženog dnevnog reda** sjednice Skupštine grada Novog Pazara zakazane za 18. mart 2024. godine, **povuče tačka 24. Prijedlog Rješenja o imenovanju vršioca dužnosti direktora Javne ustanove Kancelarija za mlade, “Novi Pazar”;**

O b r a z l o ž e n j e:

Zakonom o kulturi u članu 37. propisano je da vršilac dužnosti direktora mora da ispunjava uslove za izbor kandidata za direktora iz člana 36. stav 1. ovog zakona.. Članom 36. stav 1. Zakona o kulturi propisani su uslovi koje mora ispunjavati i lice koje se imenuje za vršioca dužnosti direktora. Ovim članom zakona propisano je da i kandidat za vršioca dužnosti direktora ustanove kulture, a predlagač u preambuli Rješenja o imenovanju Zakon o kulturi uzima kao osnov za donošenje istog, između ostalog, treba imati visoko obrazovanje i najmanje pet godina radnog iskustva u kulturi. Imajući u vidu citirane zakonske odredbe kao i činjenicu da predloženi kandidat ne ispunjava zakonom propisane uslove, jer nema najmanje pet godina radnog iskustva u kulturi, Skupština grada ne može istog imenovati za vršioca dužnosti direktora Kancelarije za mlade.

Shodno tome neophodno je predloženu tačku dnevnog reda, Prijedlog Rješenja o imenovanju vršioca dužnosti direktora Javne ustanove Kancelarija za mlade, “Novi Pazar”, povući iz predloženog dnevnog reda za sjednicu Skupštine grada Novom Pazara.

Prijedlog Rješenja o imenovanju vršioca dužnosti direktora Javne ustanove Kancelarija za mlade, "Novi Pazar", u svom obrazloženju nema opisane razloge za njegovo donošenje što je inače obaveza utvrđena članom 138. stav 3. Poslovnika Skupštine grada u kome je izričito propisano da obrazloženje, između ostalog, mora sadržati i razloge za donošenje odluke kao i objašnjenje cilja koji se želi postići. Predlagač takođe nije dostavio ni biografiju kandidata kojeg predlaže za imenovanje.

Pored nastupanja razloga, po sili zakona, zbog kojih se ova tačka dnevnog reda ne može razmatrati, važno je naglasiti da se na osnovu neregularnih i pokradenih izbora ne mogu vršiti nikakva imenovanja niti dijeliti bilo kakve funkcije. Dok se Ustavni sud ne izjasni o regularnosti izbora, Skupština grada Novog Pazara sa 19 spornih mandata i upitnim legitimitetom i legalitetom ne može vršiti imenovanja i na taj način produbljivati institucionalnu krizu koja postoji u Novom Pazaru a koja je uzrokovana krađom na izborima. Rezultati izbora nisu odraz političkog raspoloženja građana Novog Pazara, već su rezultat izborne krađe i izbornih nepravilnosti, što je i potvrđeno Rezolucijom Evropskog parlamenta o Srbiji od 8. februara 2024. godine a naročito konačnim izvještajem ODIHR-a (ODIR-a) od 28. februara 2024. godine o izborima u Srbiji.

Shodno tome tražimo da se ova tačka dnevnog reda povuče sa dnevnog reda i odloži dok se ne staknu pravni i politički uslovi da se o ovom pitanju Skupština izjasni.

Odbornici SDA Sandžaka u Skupštini grada

dr. Adem Đerlek

Džanan Bačićanin

Merfid Kamešničanin

Maida Baltić Spahović

Saima Brunčević

Dinheta Pulić

Kenan Kadrić

Kadir Trubljanin

Adem Pepić

Ilma Dupljak

Ovlašteni predstavnik predlagača je odbornik Kadir Trubljanin